

NATIONAL GEOGRAPHIC Junior

NUMRI I I-rë TETOR 2007

PËR ZBULUESIT
DHE KURESHTARËT
E RINJ

FALAS!

Zbulo gjithçka mbi
tigrat, peshkaqenët
apo pinguinët.
Mëso si dhe ku jetojnë ata.

Nisemi për
SAFARI!

 NATIONAL
GEOGRAPHIC


200 Lekë
Shtëpia Botuese
"Zeta Media Company", Tiranë
Shtëpia Botuese "Klett", Beograd

Rrëqebulli ose tigr i Evropës

A e dini se në pyjet e Shqipërisë jeton një lloj mace e egër e mrekullueshme që quhet rrëqebull!

Rrëqebulli është një nga kafshët më interesante dhe më të bukura të vendit tonë. Duket si një mace dhe bën pjesë në familjen e tyre, por është shumë më i madh se kafshët që ne mbajmë në shtëpitë tona. Kjo kafshë është aq e fshehtë sa edhe vetë gjahtarët e shohin shumë rrallë. Por është kjo fshehtësi, ky mister, që e bën atë më magjik! Mbretëror, ai sundon pyllin me shkathhtësinë e tij.

Rrëqebulli është një kafshë që ka shumë pretendime ndaj mjedisit ku jeton. Por vendi që preferon më shumë është relievi malor me bimësi pyjore. Është një kafshë që ndeshet rrallë, madje konsiderohet një specie në zhdukje.



Rrëqebulli bën pjesë në familjen e maceve dhe është mishngrënësi më i madh në Evropë pas ariut dhe ujkut. Për këtë ai është quajtur vëllai i vogël i ariut dhe vëllai i madh i ujkut, sepse një rrëqebull është aq i shkathët sa mund ta mbysë një ujk shumë lehtë. Ai është një kafshë e bukur dhe e shpejtë si rrufeja. Pak kush ka dëgjuar të flitet për rrëqebullin. Janë edhe më të rrallë ata që mund të krenohen se kanë parë një të tillë. Ai endet madhështor nëpër pyjet e maleve të larta të Shqipërisë i rrethuar nga mistere dhe legjenda.

E nëse historia jonë ju ngacmoi ndopak kuriozitetin, mund t'ju tregojmë se ku ta shikoni këtë kafshë të veçantë. Mund ta kundroni të balsamosur në Muzeun e Kafshëve në Tiranë. Por mund të studioni dhe lëvizjet e saj të shkathhta në kafaz, tek "Sofra e Ariut" në Tiranë, ose tek "Gjahtari", një tjetër lokal buzë Shkumbinit, që përveç rrëqebullit, ka edhe shumë kafshë e shpendë të tjerë të mahnitshëm.

Trupi i tij dhe mjedisi ku jeton

Trupi i tij shkon nga 80 deri 130 cm gjatësi, i lartë rreth 65 cm, dhe peshon 12 deri në 35 kilogramë. Rrëqebullit i pëlqen më shumë të rrijë vetëm dhe takohet rrallë me rrëqebuj të tjerë. I reziston shumë të ftohtit dhe lagështirës, kjo është arsyeja që në vendin tonë haset më shumë në zonën e Alpeve, Pukë, Lurë, Martanesh e Librazhd. Ai dallohet nga gëzofi që në stinën e verës ka ngjyrë të verdhë të çelur, ndërsa në dimër merr ngjyrë të kuqërreme. Njolla ngjyrë kafe mbi shpinë dhe në gushë e bëjnë gëzofin e rrëqebullit shumë karakteristik. Ka veshë të gjatë dhe bisht të shkurtër me majë të zezë, këmbë shumë të fuqishme me thonj të mprehtë. Sytë janë të mëdhenj dhe bebet e tyre me ngjyrë të gjelbërt në të verdhë shkëlqejnë në errësirë. Brenda një nate rrëqebulli mund të vrapojë deri në 45 km.



E dini se?

Rrëqebulli nuk ka armiq.

Vëllezëit e tij janë ariu dhe ujku.

Një rrëqebull jeton deri në 17 vjet.

Thuhet që rrëqebulli është aq i fuqishëm saqë mund të sfidojë edhe një ujë.

Është një kafshë në zhdukje dhe në të gjithë botën ka vetëm 100 rrëqebuj.

Nga këta 100 rrëqebuj në të gjithë botën, 25 prej tyre jetojnë në pyjet shqiptare.

Me çfarë ushqehet?

Ushqehet me lepuj, ketra, minj të pyllit, kaproj, derra të egër, por edhe mish shpendësh.